


# INO UCITA ANZI OKUNO?

 Nda kulumba, Mukwesu Neville. Mbuli mbo Nda amba, cifumo cino, lyoonse ncibotu kuboola ku ng'anda ya Mwami.

<sup>2</sup> Nda kali kubaanga mu muzeezo wa kwiita muka kwalo kaniini awa, sunumasiku, ku kwiimba lwiimbo Ndwe kamumvwa kwiimba mu ng'anda yangu, buzuba bumwi. Nda syoma tu cijisi ciindi ca ncico, ikuti na tali sinkizi. Muka Jefferies, ino uyeeya nzi kujatikizya eco, eyo nyimbo niini njo kaimba atala awo? Nda kanjila a kuumvwa kwiimbwa, elyo Nda kauyanda kabotu loko. Elyo Nda syoma Nse kukusampuzi, ku kulumba ku lwiimba alubo. *Ko Nda Ambila Zina Lyakwe*, na cintucimwi mbuli ceeco. Sa mbo cibede? Ndi yanda ku cimvwa alubo. Ndi lizi nyoonse muyo cibotelwa.

<sup>3</sup> [Kabeela katakwecintu aa teepu. Mucizi Jefferies waimba lwakuti *Ko Nda Ambila Zina Lyakwe Alubo—Mul.*]

<sup>4</sup> Oh, Nda ciyanda buyo eco! Nda liyanda Zina Lyakwe. Nywebo mulizi caka ndicitya kuyeeya boobo, oyo waka jisi mulindu oyo muniini ku lwiimba? Walo mulongwe muniini wa cikolo ku musimbi wangu muniini, Rebekah. Elyo Nda kajoka, cifumo cimwi, nkecita cintucimwi mu kaanda, nkabela Nda kamvwa kwiimba oko. Elyo Nda kayeeya, “Ee, Ndiyo mubamba buyo kwiimba boobo mu mbungano ciindi cimwi.”

<sup>5</sup> Mu lweendo kuselemukila, Nda katola bana ku cikolo, elyo Nda kaambaula kuli nguwe kujatikizya kwiimba. Elyo waa kati, “Nda kanyamuka buyo. . .” Inga nse caamba mu majwi ngaonya. Pele waa kati, “Nda kabuka busiku bumwi, na, alimwi ndakali mu bulo, alimwi kali kuyeeya lwiimbo olo, alimwi Ndi jisi cilongezo cili boobo!”

<sup>6</sup> Ee, Nda kayeeya, “Eco ncibotu loko, ku musimbi mukubusyi, kwaambaula makani aa Muuya Uusalala ku balongezya, kapati mu bukkale obu, mu dolopo eli.” Tu yandikana basimbi bakubusyi loko mbuli baabo. Tula cita.

<sup>7</sup> Oyu musimbi umbi muniini wazwaa kwiimba, awalo, okuno, maminiti masyoonto ainda. Ta ndizi zina lyakwe, pele kubotelwa bana abo baniini, basimbi baniini bakubusyi, kabaimba. Sena mulizi, kweenda nko tubamba mukozanyo kuli bamwi? Nincobeni mbokubede.

<sup>8</sup> Ii kaano kakaindi ka myaka imwi yakainda, mu England, kwakali muntu. Wa kali kuyeeya kuti na kaunka kuya kunywa aniini kwabulongwe kuciindi ca Krisimasi, ku luswaanano buyo. Alimwi wa kainka akti ka basimukobonyina nkabela wa kali kusintanya zipego, abantubonse bakali kwaamba kuli nguwe

kuti “Lino, Johane, kobweza buyo cakunywa ca ceeci.” A kusipa kuniini *awa* a kusipa kuniini *awa*, nkabela wa kakolwa nconzyo.

<sup>9</sup> Elyo mu lweendo lwakwe kuya ku muunzi, mpaawo kwakasika caanda, kutandila mainci ali cisambomwe. Elyo—elyo mulombe wakwe muniini wakali kumutobela. Ta kakonzya kumubweza; wa kali koledwe loko. Elyo wa kali mu lweendo lwakwe kuya ku muunzi, nkabela wa kacitika kunyona a kubona mulombe wakwe muniini wakali kutandila kubumbuluka mu caanda. Elyo wa kati, “Mulombe, nkaambonzi nco bumbuluka mu caanda?”

<sup>10</sup> Wa kati, “Taata, Ndi sola kutobela ndyato zya mauu ako.” Elyo wa kabweza mulombe muniini mu maboko akwe, a kuti, “Leza, kuzwida buzuba obuno, Nse katoli cakunywa cimbi.”

<sup>11</sup> Muntuumwi uyo ccilila ndyato zya mauu ako. Atwe ende ku muncali uutonkomene, kuzwa ku kalo kuyaku Kalivari. Ezyo ni ndyato zya mauu; atube ambabo kweendela.

<sup>12</sup> Lino, Ndi lizi sunumasiku mbusiku bwa mulalilo. Elyo Ndi yooba buyo a ciindi cisyoono ca kukanana kuli ndinywe mu Ijwi. Elyo Nda—Nda yanda kwaambaula kujatikizya Nguwe, nkaambo Uli kasimpe loko kuli ndime.

<sup>13</sup> Nda kali kubala caano ciniini ciindi cimwi cainda, nkeyeeya kujoka ku basimbi alubo. Ca kacitika Kumbo. Kwakali bumwi bwakali kuzunguluka, masiku aguwo pati, nkabela myuuwo yakali aatala. Elyo kwakali bantu bamwi baka jisi muswaangano wa mipailo. Elyo umwi waka sololela muswaangano wa mipailo wakali mulindu muniini ubotelezya loko. Kutali kuyeeya zya ntenda nja kalinooba mumo, pele waa kali kukkala ca kwiingana ku munzi muniini. Elyo kanji mu tugwagwa kwakali bantu banji ku ciindi eco ca masiku. Cindi muswaangano wa mipailo niwakajala, nyimbo zyabo zyakali ku Mwami, a myoyo yabo yakali kkomene. Elyo Nda yeeyela, antoomwe, ba kalimvwa mbuli kuti Mukwesu Beeler wakacita kaindi kainda cindi nakali kupa bumboni. Kukwandwa buyo kapati, teeba kakaonzya kulijata nkambo ka lutangalo, alimwi baka cita kucisita kaceenda munzila imwi. Kumane kuti “ameni” wamamanino kwaambwa, boonse baka bamba nzila yabo ku maanda abo.

<sup>14</sup> Elyo mulindu, muniini mukubusyi, wakabweza bbaki lyakwe, a kukwela kkola, a kwaanga kumbele lya ndilyo, akutalika kuselemuka kagwwagwa. Elyo waa kaboola kujana kuti busiku butontola bwaka tobezuya bantubonse mu busena bwabo bwa mulilo. Elyo waa kali jana alikke mu tugwagwa. Elyo ciboneka kuba mbuli ntenda yakatalika ku mupenzya.

<sup>15</sup> Nywebo mulizi, Ndili kkomene kapati kuti Muuya Uusalala inga wa tucenjezya zintu ziboola; kuloboka ntenda ezyo.

<sup>16</sup> Elyo taakwe nakayeeya kuyoowa. Elyo waa kaimba buyo nyimbo eyo yakaindi: *Peepe*, *Kutaba Olikke*. Elyo mbuli mbwa kazumanana kulanduka muunzi, kaboneka mbuli kuti taakwe

muntu wakali kuyo mupenzya, pele mpoonya biyo mpaawo kwakabuka buyoofu obo bupati alubo. Elyo waa kacitika kulanga, kaimvwi muni, elyo mpaawo kwakaimvwi muntu wakali kuboneka kusesemya ncobeni, kalangide nkoonya kuli nguwe, kujatilila maboko akwe mbuli *obu*, kuboola kuli nguwe.

<sup>17</sup> Takukwe nzila ya kuzwa. Alimwi nkaano ka bwini. Aboobo ta kakonzya kuzuza; wa kali kunga wamujata. Kwakali cintu comwe luzutu cakucita. Ta kali kukonzya kukwiila. I myuwo yakali kuunga canguzu loko, kutandila kunyamuna mubili wakwe kuzwa mu kagwagwa. Ta kakonzya kucitya umwi kumumvwa. Alimwi caanda cakali koofwaazy.

<sup>18</sup> Elyo kuli cintu comwe luzutu cakucita, eco caka komba. Aboobo waa katalika, kuni lya jwi lyakwe, kavwiya mupailo kuli Leza. Elyo waa kati, ta kazi oko nko wakazwida, pele, mpoonya biyo, ku lubazu lwa mulyango, kwa kaimvwi mubwa mupati ncobeni. Alimwi wa kabambide masusu akwe mafwaafwi, nkabela wa keenda kuli nguwe, akusika ku lubazu oko mwaalumi nkwa kalinooba, a kugoloma cabukali, mbuli mbwa kaina muni lya mwaalumi. Elyo mwaalumi mbwa kaunkila buyo kuselemuka kagwagwa, mubwa wakanyona a kujoka a kulala mu mulyango.

<sup>19</sup> Leza uyo mamela Bakwe Beni. Leza, ziindizimwi, Ula beleka kwiinda akwalo mu mbwa na munyama, na nzila imwi imbi, kutondezya bulemu Bwakwe a bukwabilizi Bwakwe. Ndili kkomene kapati kuti Ndili Mu zyi mu kujatilwa kwa zibi zyangu, a kaanzambwene kuti zibi zyangu zili kuni lya Bulowa, mbuli Mbwe zyaamba mazuba onse kuli Nguwe.

<sup>20</sup> Kuseeni okuno, mu Mulumbe, kwayanda Nda boneka kutenda aniini na kukalala aniini, pele kutali kunji loko kwa cibalo ca i-i muswaangano wa kuponya. Pele Nda kaponi ciindi cilamfu cikubwene kuziba ceeci, Mukwesu Tony, ikuti na muntu uyo cita buyo mbuli mbwa limvwa kusololelwa kucita, Leza waka mamela zimwi zyaco, mu nzila mpati. Ciindi citaanzi nicakasola kucitika mbuli boobo, okuno. Kanji tula vozya makkaadi aa mipailo, akwiima bantu. Pele Muuya Uusalala waka ndicitya kubuzya kuti mbangaye beenzu bakali mu buyake, abo bakali kunga ba civumba kumaninina. Elyo mpawo Wa kazibya kuli mbabo kuyanda kwabo. Elyo i... a kwaamba kuponesegwa kwabo azimwi zimbi. Ciinka buyo kutondezya, kuti, “Kuswiilila kuli kabotu kwiinda cituuzyo, lintimbwa ku i... a maato aa bagutu bambelele.”

<sup>21</sup> Aboobo, sunumasiku, Nda sala Lugwalo luniini awa kwa kaindi buyo kaniini, lwa kukanana. Elyo katutana kucita ceeco, atu kotamike mitwe yesu asyoonto buyo mu mupailo.

<sup>22</sup> Mwami, Nduwe Leza, kwalyoonse. Elyo twa Ku lumba a ku lumbaizya nkambo ka coolwe nco tu jisi, ca kuboola kumbele Lyako, mu nzila ya mupailo. Mukuziba ceeci, lutaanzi, kuti caka

syomezegwa kuli ndiswe, kuti, “Ikuti na mwalomba cili conse mu Zina Lyangu, Njo cicita.” Elyo tu jisi kaanzambwene kakuti Uyo pa nkumbizyo yesu.

<sup>23</sup> Elyo kuli kunj loko kwacitwa, sunumasiku, kuti tu limvwa kuti na tweelede buyo kujala kuswaangana a kuya ku muunzi, inga twaamba, “Cali cibotu kuba kokuno.” Ku mvwa nyimbo ezi zya Zioni, kaimba mu nkamu ya bantu! Ku kumvwa bantu mbuli mbo bakavozya majwi abo mu mupailo, a mu mayeeye, a mu ziimbo! Mbuli Lugwalo mbo lwaamba, “Kubamba kuba abweelelo mu moyo wako, kwiimba nyimbo zya kumuuya.” Kumvwa aba basimbi baniini bakubusyi! Mu oora eli lya mudima, mbuli mbo lyaka tondezegwa sunumasiku kwiinda mu Mukwesu wesu Beeler, oyo ngo tupona mo, a kubamvwa kwiimba nyimbo zya Zioni! Ku kumvwa kutondezegwa kwa Mukwesu Beeler kuli Nduwe, obo mbwa Ku lumba, a ceeco Nco kacita, a nzila Mbo kamu sunkuta, kumu lekela kumvwisya eco nca kali kuyo cita kakutakwe kuboko oko lino. Ciinka buyo kutondezya kuti tuli kwabilidwe ku luzyalo a nguzu Zyako.

<sup>24</sup> Toonse atu cenjele, sunumasiku, Mwami. Nkambo, Nda syoma kuti nciindi kuli ndiswe kulingula tumpangaliko toonse, kulingula ciindi, nkambo ta tuzyi ciindi neciya kuba ciindi ca kulingulwa. Inga kakumunide kapati kwinda mbo tuyeeya. Aboobo atu langanye nzila zyesu, sunumasiku, a miyeeyo yesu.

<sup>25</sup> Elyo inga twa komba kuti Uyo kanana kuli ndiswe kwa ziindi zisyoonto mu Ijwi, mpawo kotulongezya mu kuswaangana kwa kukwabana kwamana. Mbuli mbo tubweza zibeela zya kankwa aka ka mulao, a waini, oyo wiiminina mubili Wako uutyokede a kutila Bulowa, ku kujatilwa kwa zibi zyesu.

<sup>26</sup> Mweembeli wesu uuyandwa loko, sunumasiku, takali kulimvwa kabotu loko. Pele, mu mubandi wesu wa telefooni, wa cibikka aa cipaililo. Ndili masimpe kuti Uyo citambula, Mwami. Elyo Nda pa mupailo ambele kuli nguwe, nkambo tula muyanda alimwi tula muyanda. Twa kombela walo a mukwasyi wakwe, a ku mukwasyi oonse uli waano, elyo ku nkumbizyo zyoonse zyaambwa sunumasiku, a kazimwine, akwalo.

<sup>27</sup> Tu longezye kulaale mu miswaangano. Nkambo twa cilomba mu Zina lya Jesu, Mwana Wako. Amenii.

<sup>28</sup> Ndi yanda kubala buyo cibeela ciniini ca Magwalo awa, cijanwa mu Bami Bataanzi 19, a kutalikila kampango ka 9.

*Elyo wa kasika ku mpangala, a kukkala okuya; elyo, mpawo, ijwi lya MWAMI lyaka musikila, elyo . . . kati kuli nguwe, Ino ucitaanzi okuno, Eliya?*

*Elyo wa kati, Nda kali musungu, na sibbiwwe ku MWAMI Leza wa makamu: alimwi nkambo bana bakwe ba Israyeli bakasiya cipangano cako, kumwayaula zipaililo zyako, a kujaya basinsimi bako kubelesya*

*cceba; elyo Mebo, akwalo Mebo endikke, nda syaala; alimwi ba yandaula buumi bwangu, ku bunyonyoona . . .*

*Elyo wa kati, Koya kokuya, akuyo imikila aa cilundu kumbele lya MWAMI. Elyo, mpawo, MWAMI wakainda munsu, nkabela guwo pati lyakainda a kuzapula cilundu, a kuzapaula mandomba mu tubeela kumbele lya MWAMI; pele MWAMI takalimo mu guwo: alimwi nikwakainda guwo kwakaba muzuzumo wanyika; pele MWAMI takalimo mu muzuzumo wanyika:*

*Elyo nikwakainda muzuzumo wanyika . . . mulilo; pele MWAMI takalimo mu mulilo: elyo kumane mulilo kwakaba jwi liniini lya buumuzi.*

*Elyo cakali boobo, cindi Eliya naka limvwa, mpawo wa kavumba busyu bwakwe mu cikobela cakwe, a kuzwa, a kwiimikila ku mulyango wa mpangala. Elyo, bona, mpaawo kwa kaboola jwi kuli nguwe, a kwaamba, Ino ucita anzi okuno, Eliya?*

29 Ndi yanda kubweza cibalo, kwa kaindi kaniini: *Ino Ucita Anzi Okuno?*

30 Eliya waka jisi buzuba buyumu. Wa kali aa Cilundu ca Karimeleki, alimwi wa kabona bulemu bwa Mwami kabuseluka. Wa kakombela mulilo kuzwa ku majulu, elyo—elyo mpawo wakakomba mvula aansu aa nyika. Elyo kunsu lya kuminwa oku koonse, nsinga zyakwe zyakuyeyela zyakali aafwi kutyoka. Oh, obo Mbwe konzuya ku mu fwida!

31 Elyo mpaawa twa mujana, lutaanzi, kakambauka ku cisi ciwide ica bantu. Elyo kuli Jezebele wakali kuyanda nzila yakwe. Elyo bantu bakasika ku busena obo mboba kasiya Leza, kasiya zisyomezyo Zyakwe zyoonse a milao Yakwe yoonse, alimwi limbi wakabamba milazyo Yakwe, a kuta bikkila maanu kuli Nguwe. Elyo Eliya, akati ka koonse kwa ncico, ta kakonzya kulimvwanya. Wa kacita kwiima cakusyomeka ku kulamwa kwakwe. Oh, obo eco mbo citondezya mu buzuba obuno!

32 Elyo baka jisi namalelo okuya, wa zina lya Jezebele. Elyo waa kasololela boonse bana ba Israyeli ku kusweeka, a nzila yakwe ya kupona ya busyaasunu. Waa kabacitya kucita bwaamu a kucita zintu zibi. Ikuti na eco tacili cikozyano cibotu sunu!

33 Pele, Eliya, akati ka ncico coonse . . . Nekubaboobo, bunji bwa bana ba Israyeli, zyuulu zya mbabo, bakali mvwanya, alimwi bakali kuyanda kupona bweende bupya bwa buumi. Nekubaboobo, Eliya takali kulimvwanya. Wa kaambila Jezebele busena bwakwe a nzila mbwa elede kucita. Oh, waa kasulaika musinsimi oyo. Pele, mbubonya buyo, ta kakonzya ku mutaminina, pele wa kali mweembeli wakwe.

34 Oh, kuli ziindi zinji taba yandi ku citaminina, pele muntu wakatumwa aa leza ku bukkale mweembeli wa bukkale boonse,

naa ngwa Baptisti, Presbyteria, na nguni. Leza ula nanika muntu Wakwe, nkabela ta kali mvwany. Elyo bantu ziindizimwi bala musulaika, nkaambo kakuti ula iminina Bwini, pele nekubaboobo walo mweembeli wa Leza wa oora.

<sup>35</sup> Oh, waa kamusampaula. Waa kali kucita kufumbwa cintu nca kali kukonzya kumujaya, pele nekubaboobo wa kali kasimpe ku milazyo ya Leza a inkamu zya Leza. Mapobwe akwe abusyaasunu azya misaalo, akucisa kwakwe kwa kumeso akwe, akusama zisani zyakwe, wakasofwaazya cisi eco. Elyo Eliya mudaala takali cabuteteete. Wa kamwaambila mpoonya awo mpa kaimvwi.

<sup>36</sup> Leza tutumine bamwi bambi ba Eliya mu buzuba buno, abo batakali mvwany a cibi; muntuumwi uyo kambauka Bwini, takukwe makani obo mbo cicisa bubi. Leza uci jisi balanda mu bukkale boonse, abo bata limvwanyi a zintu zya nyika.

<sup>37</sup> Eliya takali kuyanda bweende bupya bwa zintu, aboobo wa kaima cabwini kuli Leza. Elyo kazekelo kakasika. Elyo kazekelo kakasika alimwi.

<sup>38</sup> Elyo Eliya, aa Cilundu ca Karimeleki, cindi niba kayeeya kuti mazuba oonse aa maleele aka mana, elyo kwakanyina cintu cimbi mbuli maleele, kwakali muntu omwe oyo wakasyoma muli ncico. Elyo wa kati, “Amulete basinsimi banu boonse. Amu balete awa aa cilundu, nkabela atu tondezye a kubona oyo uuli ngu Leza.” Nda luyanda olo Lugwalo.

<sup>39</sup> Oh, ikuti na kwakasola kuba ciindi, mu busena, cakuti Nguzu zya Leza zya bwini zyeede kuyubululwa, ngu sunu. Atu tondezye oyo ngu Leza.

<sup>40</sup> I kuti na lwiiyo ni nzila ya lwaanguluko, nkaambonzi tiilwa kacita? Ikuti na bwiime bwabuleya, azimwi zimbi, ni nzila yakuzwida, nkaambonzi ta ciciti? Ikuti na kubbadela masi amwi kuba balongwe besu. . . Elyo tu jana kuti bala tonyona tusindi, cakufwambaana mbuli mbo bakonzya. Elyo to konzyi kuula bulongwe a mali. Bulongwe ncipego ca Leza. Ikuti na mabungano mapati a bamayi bapati bali kulaale, nkaambonzi ta tujisi Leza munji mu bantu besu mpawo? Nkaambonzi cili mu kweenda kuzumanana kuya kusule? Ikuti na bubambe bwalwiiyo, a cikambaukilo cakaiya kabotu, a kkwaya ya kayiisigwa-kabotu, a kuzumanana kuya busakana kuzwa kuli Leza, ciindi coonse, mpawo ta cikabeleki.

<sup>41</sup> Ino sayaansi yacita nzi? Sayaansi, nywebo mwati, “I ciindi ciyo boola sayaansi noikonzya kucita *ceeci* a kucita *ceeco*.” Ncinzi ncoba kacita? Ba katuleta ku busena kusikila banyonyoona inyika yoonse. Ino bacita nzi? Bali mukunyonyooka nyika mubusena bwa kwiibamba kuba kabotu.

<sup>42</sup> Kutali ciindi cilamfu cakainda, cindi Silutwe Al Farrar yaku FBI, ku zibeela zya bakubusyi zya United States, kajisi ndime mu mulimo wakwe; ni Nda kamana kumu sololela kuli

Kristo, kumselelo mu bbuwa lyamizundano yakudula ntobolo. Kati, “Mukwesu Branham, Ndili muna Baptisti. Nda mvwa kuti wakali muna Baptisti.”

Nda kati, “Iyi, munene.”

43 Wa kati, “Pele Nse jisi oyo Muuya Uusalala ngo kanana.” Wa kati, “Sena uyeeya kuti inga Ca ndicitila?”

Nda kati, “Iyi, munene.”

44 Wa kati, “Ee, Ndiyo lailila kuyandisya kubotu ku busenabumwi mu kaanda kamwi kabotu ka hotela. Elyo a ku tulekela a Ndime kuunka kutala okuya, alimwi ndiza Uyo boola ku kaanda ka hotela a kundi zuzya a Muuya Wakwe.”

Nda kati, “To jisi ho- . . . elede kuba a kulangwa kwa hotela.”

Kati, “Ee, nkokuli Nkwayo ndiswaana?”

Nda kati, “Mpoonya awa.”

45 Wa kati, “Na taka boola mu kaato aka, Na kacita, kaato ako kaku dubwida na?”

46 Nda kati, “Wa kanjila mwida lya nswi nkambo ka omwe; mu bbila lya mulilo kuli umbi. Uyo muswaana ku masena ali oonse ayo ngo muyo Mu swaana.” Masimpe. Leza uyanda ku muswaana. Walo uyanda ku cibandika kumanizya a ndinywe. Uyo boola oko nkobede.

47 Lino, Jezebele waka sofwaazya nyika. Elyo Eliya nsinga zya kuyeeya zyakali aa kuminwa, alimwi wa kacita maleele mapati a kucita zitondezyo aa cilundu, kutondezya kuti Leza wakacili Leza, a kukonzya kwiingula mu nzila kwiinda ku maleele. Elyo ino cakaleta nzi, bulumbu? I kukonga kwa buumi bwakwe bwini. Ino cakaleta nzi mubusena bwa lubukulussyo lwa boonse munyika? Ca kaleta kukonga ku buumi bwakwe.

48 Jezebele, cindi Ahabu naka mwaambila zintu ezi, waa kati, “Akube kuti tuleza tuciti kuli ndime, a kunji, akwalo, ikuti na Nse kosola mutwe wakwe ku ciindi eci juunza masiku.”

49 Elyo Eliya oyo wakali kusola, a moyo muli nguwe, wa Leza, kusola kutondezya bantu kuti Leza wakacili Leza. Elyo caka mupilukila. Elyo wa kazuzila mu nkanda cindi naka cimvwa. Elyo ngooyo wakali lede kungsi lya samu lya junipa, kasola kujana kuumbulizigwa. Wa ka—wa ka tuma mulanda wakwe, a kumusiya.

50 Lino, kaano kesu kaunka mu masena otatwe aindene. Kumwi, Cilundu ca Karimeleki; kutobela, kungsi lya cisamu ca junipa; elyo busena bwatatu Leza ula muswaana, uli mu mpangala.

51 Elyo nceenzu maningi. Mweembeli awa ulizi, a bakutausi bamwi. Amulangilile, kumane Cilundu cako ca Carmes, uyooba a musamu wa junipa. Kufumbwa cindi muntu aba acilongezyo, a nguzu zya Leza kutilwa aku kucitila cintucimwi, pakamana,

Saatani uli mu mukondo. Amuyeeye buyo, buzuba butobela, oyo Muvulo kumane buzuba bubotu Munsondo, ci yooba cintu ciyumu, nkaambo uyo cita zintu zyoonse nzya konzya kugwisya kaanzambwene ako kuzwa kuli nduwe, kuti Muuya Uusalala wakacitya muli nduwe buzuba bwa zoono.

Aboobo, Eliya waka jisi buzuba bupati. Elyo ula libilika, nekuba.

<sup>52</sup> Basinsimi boonse bali...bakaambwa kuba basondokede. Jesu Kristo wakatondezegwa kuba sikansondo. Umwi aumwi wa baapostolo waka lungulula kuba sikansondo, kwiinda ku buleya, nkaambo mulimo wabo wakali cigambyociinda loko mane bantu bakayeeya kuti bakali sondokede. Bantubonse bapona cabuleza muli Kristo Jesu bayo penzegwa. Wa kaba muntu wandeene.

<sup>53</sup> Mbuli Mukwesu Beeler mbwa kaamba kujatikizya citondezyo cakwe kusule, uyo zyalululwa. Uba cilenge cipya muli Kristo. Zintu zyakaindi zyakaloba. Zintu ziyakunyama zya inyka tazi cikujatilili, alimwi ayebo tocizi jatilila limbi, cindi wazwa ku lufu kuyaku Buumi.

<sup>54</sup> Cindi Leza ajata muntu, cintu citaanzi Nca cita mu mbungano nku cileta kuzwa kuli zyanyika kuyaku busalali, alimwi Ula cileta kuzwa ku lufu kuyaku Buumi. Wa kazyalululwa. Kulapya. Mizeezo yayo mipya. Eco nco tu yandikana ndubukulussyo mbuli olo, sunu. Mbwini ncobeni. Oh, twa kajisi kunikwa kwa Muuya. Twa kajisi zilongezyo zya kumuuya akupapila kwa kumuuya, pele tatu ciyandikani zeezyo. Tu yandikana lubukulussyo lwa Muuya wa Leza muumi, mu myoyo ya bantu. Ta tuyandikani kunji kwa milongo ya Muuya, na kusinsimuka kwa kumuuya. Tu yandikana lubukulussyo, nkuti, kubukulussyo eco nco tu jisi. Kutali kusinsimuka kwa kumuuya; ziindizimwi eco cipa makamu manji. Pele tu yandikana lubukulussyo luyo enda ansi, kuzungaanina ansi, aku nyonyoona zintu zyonse.

<sup>55</sup> Mbuli kwiimikila muni lya nkomwe ya lwizi. Nda kali kwaambaula ku bakwesu bamwi okuya mu Puerto Rico mvwiki zisyoonto zyainda. Kutu, cindi Ne kabona lwizi lupati, a guwo pati lyamvula, mayuwe akali aatala loko kwiinda cikombelo eci. Elyo Nda kati, “Yebo ulizi cintu na? Ta ijisi dosi lyomwe lya maanzi muli ndilyo kwiinda cindi lya tyuumwine kumaninina. Pele, ino eco cipanga a kusotauka, alimwi ino caamba nzi? Ci waala masifwilila oonse kuzwa kuli ncico, atala lya nkomwe.”

<sup>56</sup> Eco nce ncico Mbungano ncoi yandikana, ndubukulussyo, kuzunganya kuzwa kuli Ndulo lonse ciimo canyika a zintu zya inyika, a kujosya kunjoloma a busalali bwa Leza, mu myoyo ya basyomi Bayo, bubombe.

<sup>57</sup> Baa, bantu, kulyeeleka mwini, taba jani lubukulussyo mu ziindi zisyoonto, aa muuya wabo, balaba basinyama loko a basikancimwa maningi, mane bala libamba mbuli



basikulibanda, basitulengwa, basikulibambila bululami. Bala bala a kubala, nkabela eco ncibotu, pele eco tacili cintu nco twaambaula. Nywebo mulizi kunji kujatikizya Ijwi. Ncibotu kuziba Ijwi, pele ncibotu kuziba Mukamwini wa Ijwi. Mwabona? Eco Cintucimwi ciniini nco mwasiya, kuti Cintucimwi mu moyo ciku bamba mbobede, eco nce cintu.

<sup>58</sup> Elyo Nda mwaambila, Eliya, a nsinga zyakwe zyakuyeeyela ku mpela, nekuba, Nda kafwida lyoonse, nsinga zyakwe zyakuyeeyela zyakali kutandila kulibambila kutyola, nekuba, alimwi oko mapaundi mapati azwa kuli Jezebele akamanizya kulebuka. Mpawo wa kazuza, a kunjila mu nkanda a kulala kungsi lya cisamu ca junipa.

<sup>59</sup> Oh, olo luzibo lwa samu lya junipa! Kuli banji besu bali jana kungsi lya samu lya junipa. Nda libikka kungsi okuya, ziindi zinji, ku busena nko tazi aca kucita. Uli nyongene. Mukasimpe, Ndili nkoonya kungsi lya ncico lino, a kugambwa, “O Leza, ino inga Wa yanda kuti ndicite nzi?”

<sup>60</sup> Nywebo mulizi, bantu kungsi lya samu lya junipa bali mbuli Eliya, bala yanda koono. Ndi—Ndi kambauka ku bantu bakatede loko kwiinda muntu uuli oonse mu nyika. Bantu bali katede loko. Ba—ba—ba—bali pengede cakuyeeya kabotu kusikila bali mukuzuzya tubunga twa basondokede a zibbadela, koonse. Ba kanjila mu ciimo cakulibilika maningi kusikila tabazi eco nco basyoma, a ceeco nco bayanda. Bali kkede buyo alya. Ta bazi cakucita. Oh, nkuboneka kuusa.

<sup>61</sup> Amuswiilile awa, mukwesu wangu. To konzyi kucinywa. To konzyi ku coongolola kuzwa. Alimwi toknzyi kuuma njuka kusikila zya kulumpala. Alimwi inga waka akoonakwa sikati akusola kuoona kuciguswa, nkabela tokonzyi ku cicitu. Konse zibeela zyesu ziniini, cintu buyo nco cicitu nku gwasya zitondezyo. Twe elede kuba a kusilika kwa bulwazi. Twe elede kuba a ii . . . Boonse bamadokotela balanganya zya miyeeyo mu nyika inga tiiba bacisilika. Ci gwasya buyo zitondezyo. I cisilisyo cili mu Bulowa bwa Jesu Kristo. Kutali kubweza cimwi ku nkomwe ya lwizi. Kutali kuunka kuyo jana lwiimbo, kkwaya lya kwiimba nyimbo. Nce ncico nco tusola kucita, sunu, amu ciimbe.

<sup>62</sup> “Oh, tuyo libambila mbuli bana Jones.” Elyo tu—tu sola kucita cintucimwi candeene, kusola ku ciyiisya. Kuli nzila yomwe biyo ya kucicita, nkuti, kulanganya tusimpe. Mbo mbubo. Oh, ikuti na uli nyongene a kupilingana, uta sangani mbungano. Boola kuli Kristo. Obo mbo busilike bulikke. Muta bikki a kujula peeji lipya. Amujane buyo Buumi bupya. Kristo ngo bwiinguzi.

<sup>63</sup> Ngooyo wakali lede, kungsi lya cisamu ca junipa. Ta kazi cakucita. Nsinga zyakwe zyakuyeeyela zyakali tyokede. Wa kali kuzungaana. Wa kali kulila, kwiina kuzumbauzya. Elyo wa kali mu ciimo cibaabi.

64 Bunji bwesu tula njila masena ayo, kapati kumane luzibo lwa Cilundu ca Karimeleki. Kwa kabuzigwa kuli ndime, buzuba bumwi, kwiinda ku muntu umwi, kujatikizya ceeco. Elyo obo kuti. . . Ino inga twa. . . Ino inga twacita nzi, ku citwa? Ncinzi cikonzya kucitwa kuli ndiswe ku ciindi eco? Kuli cintu comwe luzutu cakucita: kolituula lwako kuli Leza. Lino, Ndi lizi kuti muntu ulakonzya kubeleka ncito yakwe, nkabela muntu ulakonzya kungsi lya ncito mwini, muntu.

65 Leza wakalizi kuti oyu muntu wakali kuyandikana kulya. Wa kali kuyandikana cintucimwi cakulya. Elyo kungsi lya busena obu awa, awo mpa kalede, Leza wakacita kumucitila cintucimwi.

66 Leza weelede kucita cintucimwi ku muntu onse uboola kungsi lya samu lya junipa, nape uyo nyongana. We elede kucicita, ikuti na mulanda Wakwe uli lede kungsi lya cisamu, kulaale, tazi aca kucita. Wa katolwa kutumwa kwakwe.

Eliya wakati, “O Mwami, ndilekele kufwa.”

67 Nda kajisi kulimvwa oko Ne kamana kuzwa mu muswaangano, a kuboneka mbuli kuti Nda kasola, a kukambauka, a kulombelela, a kusungilizya, a kubona Angelo wa Leza kali fumpa kwiinda mu muswaangano a kucita zitondezyo a zigambyo. Elyo kukkala mu mootokala aanze, a kubamvwa kabalila, kabati, “Eco tii cakali cintu pele lwiyyo lwa kulilemeka kwa mizeezo. Taakwe cintu kuli Ncico. Taakwe cintu kuli Ceeco. Obo mbufuba boonse.”

68 Oh, mpawo Nda kayavula kungsi lya cisamu ca junipa. Ndi yeeya kuti, “Mwami, nkaambonzi Wa—nkaambonzi Wa kandi lekela ku cicita? Ncinzi cikonzya kucitwa?” Pele toonse twa kauma luzibo olo. Pele, luse lwa Jehova, ku mulanda Wakwe! Leza ulizi masukusyo ako. Koziba buyo eci, Uli zyi koonse kujatikizya ncico, aboobo Wa seluka.

69 Elyo Uli zyi kuti mulanda Wakwe uyandikana kulyookezya kumwi, aboobo Walo umubamba buyo koonse kwa kaindi kaniini; kuciindi na lede alya, kulindila kukatalukwa, na kukomba kufwa. “Mwami, bamatata bakafwa, kumbele lyangu, elyo lino kotola buumi bwangu. Nda kacita kunji. Nda kalwana nkondo mbotu, Nda kaimanizya lweendo.” Pele kwakali mulimo wacitwa. Leza takalina manizya ku musinsimi Wakwe. Wa kacili jisi ncito.

70 Takukwe makani kunji nko tu ompolola, a kuyeeya *eci*, *eco*, na *cimbi*, taakwe cintu cikonzya kututola kusikila Leza wamanizya a ndiswe. Ndili kkomene loko kuziba ceeco.

71 Ziindizimwi ulimvwa boobo, mbuli Mbwe kacita ciindi cimwi, kubikka pisto ku mutwe wangu, kuti alijaye, pele Nse kakonzya kucicita. Nda kasamununa magrovu angu, ku kabikka mu ntambo ya mavooti mapati oko Nkwe kali kubeleka, pele Nse kakonzya kucicita. Cintucimwi caka cili jatilide. I Leza nguonya wakali a Eliya, oyo Leza nguonya, sunu! Wa kandi

bona kungsi lya cisamu ca junipa. Mukaintu wangu a muvwanda bakkede kulaale mu cuumbwe; a bataata bangu, mukwesu wangu, a boonse. Nda kali kutandila buyo kuunka, lwangu. Nda kalala kungsi lya cisamu ca junipa. Nciyumu. Elyo Nda kasika ku busena, Nda kali nyongene loko, Nda kasola kubamba ntobolo kudubula boongo bwangu; tii caka cicita. Mwabona? Kuli mulimo weelede kucitwa. Cintucimwi ceelede kucitwa. Leza taka mani. Uyo mumamela lyoonse.

<sup>72</sup> Mulanda, utakweankwaya, ukatede akudekela! Wa kamubona. Wa kalizi awo mpa kabede.

<sup>73</sup> Uli zyi awo mpo bedede, sunumasiku. Inga konoli kungsi lya samu lya junipa, zintuzyonse zyamana, pele, koyeeya, Uli zyi awo mpobede. Ta tuyandikani kuli bambila koonse.

<sup>74</sup> Mbuli mwanakazi uusiya mucembele wakati, kumusanza ku Musanza. Waa kajisi ntenda; mootokala waka muuma. Alimwi cakali... ca kamucisa kapati, alimwi i—i loya wakati, “Sena uyanda kutola kaaambo ku mulandu wa kunyonyookelwa?”

<sup>75</sup> Waa kati, “Laws-ee, luse! Peepe, oyandwa.” Kati, “Ndi jisi kunyonyoona kunji. Ndi yanda kubambulula.”

<sup>76</sup> Elyo Ndi yeeya kuti waa kakanana kabotu ku bukkale obu, a mbungano eyi, sunumasiku, a America eyi iiya ku gehena. Ta iwide; cili kale. Ta cili—ta cili mu lweendo lwaco kuya ku gehena; caka swaana kale gehena. Ta sweekede, iya kusweeka; ya kasweeka kale. Tai yandikani kupegwa mulandu wa kunyonyookelwa; iya ndikana kubambululwa. Bwalo mbwini. Uli zyi awo mpo bedede. Uli zyi awo mpo kkedede.

<sup>77</sup> Elyo Wa katuma Angelo. Elyo Angelo waka muguma, nkabela wa koono. Elyo cindi na kasinsimuka, kwakali makkekke aa mapopwe, na musyobo umwi wa makkekke, ajikidwe, abikidwe kumbali lyakwe. Elyo Wa kati, “Eliya, kobuka a kulya.” Ndoolo luzyalo lwa Leza, ku mulanda Wakwe. Mwabona, Walo umu lyookezya.

<sup>78</sup> Nywebo mulizi, Jesu wakati, “Boola ambali, mu nkanda, nkabela atu lyookezye aniini.” Bamwi balombwana aba bayeeya kuti toelede kupumuna, tu jana kuti bapya cakubinda loko, abalo. Ikuti na taba pumuni, baya kulijana mu ntenda kumwi kubusena. Ndi yeeya kuti mpe mpawo Mukwesu wesu Billy Graham mpabede, sunumasiku, kasola kusindamuna mbaakani. Eyi mibili yabuntu miyumu, pele ba yandikana kulyookezya.

<sup>79</sup> Mpawo inga watola kulyookezya kuniini, a kuunka kubusena bumwi, nkabela bayo kujana butongo, kwaamba, “Nda kayeeya kuti wakali mukambausi. Amu mulange, kulaale ku nkomwe, kazela nswi,” na cintucimwi mbuli ceeco. Pele eco tacikwe makani. Jehova uyo mamela Bakwe Beni.

<sup>80</sup> Elyo kuciindi naka lede alya, kungsi lya cisamu, kasama akunyongana, Leza wakaumuzya nsinga zyakwe. Wa ka

musanizya. Wa ka musinsimuna alimwi, a kumu sanizya alimwi, a kumu josya kuti aone.

<sup>81</sup> Nywebo mulizi, Nda kalibuzya kanji eco cakali mu makkekke ayo. Ino musyobo nzi wa vitamini ngwa kanjila mu makkekke ayo? Nekubaboobo, kufumbwa eco cakaliko mukati muya, caka mutolela mazuba aali makumi one a masiku ali makumi one. Wa kanjila mu nguzu zya zibunge ezyo.

<sup>82</sup> Leza ulizi, sunumasiku, Ndi yandikana bamwi babo. Elyo Ndili masimpe kuti eyi mbungano iyandikana bamwi babo. Amuboole ambali, kuzwa ku inyika, nkabela atu lyookezye aniini. Atu kanane asyoonto.

<sup>83</sup> To jisi ciindi ca kulyookezya, yebo wati. John Wesley wakaamba boobo, ciindi cimwi. Wa kati, “Nda yoowa kulyookezya. Nse jisi ciindi ca kulyookezya.” Elyo uli jana kuti uli palangene, ikuti na tobwezi kulyookezya oku.

<sup>84</sup> Elyo tu jana kuti, mpawo, wa kaunka kwa mazuba a masiku ali makumi one, nkabela Leza waka mujana mpabede, kaimvwi, na kusomona mu mpangala. Elyo Leza wakali kuyanda kukwelelezya kuswiilila kwakwe. Aboobo kwakali guwo pati lya mvula lyakainda, nkabela lya kabbadelela malundu. Cakali ciyumu loko kusikila caka zungaanya myaala, pele Leza takali mu guwo lyamvula. Ca kaunka Leza katana cita. Elyo mpawo kwakasika, alubo, muzuzumo wanyika mupati waka zungaanya nyika, pele, nekubaboobo, Leza takali mu muzuzumo wanyika. Elyo mpaawo kwa kaboola mulilo, pele Leza takali mu mulilo. Elyo mpawo kwa kaboola Jwi liniini lya butontozi, nkabela Leza wakali mu Jwi.

<sup>85</sup> Elyo, mukwesu, mucizi, Nda kali jokede mu mpangala kwa ciindi cilamfu, alimwi uli jisi, ayebo, kuziba kuti kwakali mizuzumo yanyika minji kiizungaana koonse, coongo cinji a kukwankana, a mizila, a zintu mbuli ezyo, a miswaangano mipati. Pele wakali kuli Leza, kuzwa kuli ncico? Ako nke kaambo Nda amba eco nce Nda cita cifumo cino. Kweelede kusika cintucimwi cisakene kwiinda mulimo wa kuponesegwa. Kweelede kusika cintucimwi cisakene kwiinda cipego ca kwaambaula mu myaambo. Kweelede kuba cintucimwi cisakene kwiinda guwo lyuungisya lyanguzu. I muuwo wakainka, pele Leza takali muli nguwo. Twa kajisi myuuwo yanguzu, koonse ku cisi, a kunyanyamukwa, a bulowa mu busyu, a mu maanza, misyobo yoonse ya zitondezyo. Pele uli kuli Leza?

<sup>86</sup> Eliya wakalindila. Nekubaboobo, wa kali musinsimi, pele wa kaswiilila kuli Ndilyo. Ta kazwa kweelana lubukulusy o a mbabo. Ta kaunka kuyo jana tente pati maningi mu cisi. Ta kaunka ku televizhioni, na zimwi zimbi, mbuli mbo tunga twa ciita.

<sup>87</sup> Koonse kukwankwana kupati, nkabela America ijisi mulandu wa kuswiilila ku coongo eco. Oh, tula botelwa coongo, pele Leza tali mu coongo. Nekubakuti, mbuli balemekwa a zintu,

mbuli mbo babede, nekubaboobo, Leza tali mu coongo. Ikuti na eco nicakaba boobo, cindi bana Africa niba kauma bamami, tamuna mvwide coongo a bulile obo. Leza takali muli njiyo. Elyo twa kajisi myuuwo yanguzu. Twa kajisi misyobo yoonse ya mililo, a mizuzumo yanyika, a kuzunganya, a lubukulusyoy lupati, a zintu mbuli ezyo. Leza takali muli ncico. Ikuti ni cakali obo, ni caka litondezya cini.

<sup>88</sup> Pele, kumane eco, kwa kaboola Jwi liniini lya butontozi, mpawo Leza wakali mu Jwi.

<sup>89</sup> Nce ncico Nce yeeya sunu, beenzuma. Swebo to bantu tula bwezwa loko a coongo coonse. Aboobo, America ila botelwa coongo. Amulangisye eco nco bacita. Bala sinda ma redasi aya akaindi, ca nguzu buyo mbuli mbo bakonzya, a cizyano cakuliyuumba buniini, a bbugie-woogi, musyobo oyo oonse wa zintu. Ba cibikka kumvwi maningi, ciya kubbotola madramusi amu matwe, kutandila, coonse coongo, ciindi conse ca sikati.

<sup>90</sup> Elyo mu mbungano, twa kazunda nsaka, twa ka zuza koonse akoonse, a kukwiila a koongolola, a whoovu, alimwi wakajisi ciindi cibotu mbuli eco. Taakwe cintu cakucilwana, pele wakali kuli Leza muli ncico? Ino cakacita nzi? Ka tumwaya mu tubeela tuniini, tuteywa Assemibilisi ya Leza, mbungano ya Leza, Babumwi ba Pentekoste Bakamantene, toonse otu tubungwe twandeene. Leza takali muli ncico. Ngu sikusololela wa Leza. Walo moongola.

<sup>91</sup> Cindi mwabona butegwa Bunakristo sunu, bantu baunka ku mabungano a— a kupa maumi aya abulemu, a kuunka kumasena a kukaka kuponesegwa, a kukaka Nguzu zya Leza, a kukaka buumi bwakasalazigwa, kwiita ndinywe kuti “basikwiindilizya,” amuyeeye, eyo moongola wabuyake. Nkokuti. . . Mukwesu Wood, Ndi syoma kuti wa kawiiita kuti mulimo wakutantila. Wa lweeno. Ni fulemu eyo yuunka anze. Leza wiima biyo ali ncico, kuyaka buyake. Bulemu kuli Leza! Ni bubambe biyo bwalweeno obo buyo mwaigwa.

<sup>92</sup> Twa kakamba maanza, a kuti, “Bulemu kuli Leza! Cindi waongolola, uli Ci jisi.” Iba Methodisti bakati, ba Nazareni. Ba kajana kuti tiiba ka Ujisi.

<sup>93</sup> I Pentekoste yakati, “Kamba maanza ako a koongolola, mane uka kanane mu myaambo. Uli Ujisi.” Pele twa kajana kuti tii twa ka Ujisi.

<sup>94</sup> Kuli cintu comwe cimbi cisyeeede. “Elyo, Leza, kondi tola ku mpangala oko Nkwe konzya Kwii jana.” Atu jane Jwi eelyo liniini lya butontozi, elyo Cintucimwi eco cibikka kriimu mu buumi. Eco Cintucimwi, kuti, “Nekubakuti waamba mu myaambo ya bantu a Baangelo, nkabela to jisi Ceeco, toli cintu. Nekubakuti ulakonzya kusinsima a kukanana mu myaambo, a kutondezya zitondezyo a zigambyo, a kubeleka maleele a kucita zitondezyo zipati, pele, ikuti na eelyo Jwi liniini, liniini lya

butontozi talili omuya, toli cintu,” mbo lwaamba Lugwalo. Nce ncico nco tu swiilila lino.

<sup>95</sup> Twa kajisi mizuzumo. Twa kajisi mulilo. Twa kajisi myuuwo iibbula a mizuzumo yanyika. Pele, “Leza, ko tutumina Jwi liniini lya butontozi.” Eco nco tu yandikana. Amuswiilile, mukwesu. Tu yandikana Jwi eelyo liniini lya butontozi, Jwi liniini lyakaambwa.

<sup>96</sup> Jesu. Kati, “To kakonzya kumvwa Jwi Lyakwe mu kagwagwa. To ka Mu mvwa kalila.” Wa kali mukozanyo wesu. Amu Mu lange. Wa keezyanisigwa, Muuya Wakwe, mbuli nziba, sibuuya.

<sup>97</sup> Nzintu zipati zya buumuzi zintu. Sena mwakalizi obo, beenzuma? Amuswiilile. I zuba, eelyo lipa buumi aa nyika, ku zintu zyoonse zipona, mu buumi bwa masamu, buumi bwa masamu, buumi bwa musamu, kufumbwa zimbi, bu leta buumi, zuba lilacita. Elyo inga ya kwela mulongo wa maanzi kuzwa ku nyika, a kupanga coongo maningi kwiinda mbo tukonzya kugwisya cibbaketi kuzwa ku ciguju. Mwabona? Nzintu zipati. Zintu zitontola. Sena mwakasola kumvwa inyika kiizunguluka? Sena mwakasola kumvwa ndeke mbuli mbo ziinda mu tuzila? Sena mwakasola kumvwa lyomwe? Ezyo nzintu zipati. Sena mwakasola kumvwa zuba kalipasuka?

<sup>98</sup> Oh, tu yeeya kuti tweelede kuba acoongo cinji, elede kuba a bbaandi imvwika loko, ku kulila, a kusotauka kunji mujulu ansi, na ta tujisi muswaangano mubotu. Tu yeeya kuti bantu boonse beelede kuba aatala, balakamba maanza abo a zintu. Tu yeeya kuti cimbo ceelede kuunka mu bulile, nkabela bantubonse bakazuza atala ansi mwakwiinda. Twa kali cijisi eco. Ino mbubotu nzi mbo cicita? Ino cili aali? Mpaali mpo cakatubikka sunu? Mu cikama ca lupyopyongano, cikama ca tubungwe; cakamwaika, bunyina bwaka nyonganigwa. Nincobeni, ca kacita. Yakali nsabaandwa ya kaindi, a diingo, a—a misyobo yoonse ya buuka buzwa kaindi okuya ku matalikilo. Elyo Jobu wakabona, na . . .Joeli waka babona. “Eco diingo nca kasiya, nsabaandwa kalya; a ceeco nsabaandwa nco zyakalya, cisozi cakalya,” azimwi zimbi, mane twa cilya kunselelo ku cifumpu.

<sup>99</sup> Pele Lugwalo lwaamba kuti, “Njo boozeyya, mbwaamba Mwami.” Tu lindila cintucimwi.

<sup>100</sup> Kwa koongolola koonse, twa kajisi kubbotoka kunji a coongo ku—ku sandula inyika yoonse. Twa kajisi kulibotezya kunji a koongolola a kulilemekka bumwi. Mane, ino cakacita nzi? Tii cakayaka Mbungano. Ya kayaka tubungwe. ya kacitya bantuntu kuunka a mizeezo yakuli kankaizya a kuli tukumuna. Nse yandi zintu ezyo. Kweenda aa cibumbili, kwaamba, “Oh, amu mulange. Ngu sibwami. Mulange mbwa kasamide, cakulondolwa ncobeni a zintuzyonse. Uli zyi nzila yakubamba zikonke zyakwe, azimwi zimbi.” Eco tacili ncico Leza ncasala.

101 Ii musinsimi wakayeeya kuti, buzuba bumwi. Wa kali kuyo nanika mulanda. Wa kati, “Walo mupati maningi mu mukwasyi. Uyo boneka kabotu.” Pele Leza waka mukaka.

102 Ta mweelede kuba a beendelezi, alimwi—alimwi azimwi zimbi, kwiimikila alya mbuli Mbwe ntazyi cintu. Ta zili zisani nzosama, na ku kanana kabotu cisyobo. Ngu Cintu cimwi cili mukati ka nduwe, elyo Jwi lya Leza. Obo mbo cibede.

103 I musinsimi wakainda umwi umbi, kati, “Oyo tali nguwe. Leza waka mukaka.” Wakainda umwi umbi. Kati, “Sena tojisi uumbi?”

104 Kati, “Tu jisi imwi, niini yakaindi yakugalankana, kusule awa ku lubazu lwa cilundu, kai kweembela mbelele.” Wa kali Davida.

105 Cindi niba kaleta mulombwana oyu muniini, wamasusu asalaluka kumutwe, wamutwe uujisi masusu asalala koonse kuya, a makuko akwe, maniini adiimene, a cikutu cambelele kacizambaidwe ali nguwe, Leza wakati, “Ngo nguwe.”

106 Zibumbwa zyanu zyoonse zipati a mashaati aakuli tukumuna kuli Leza. Inga konooli D.D.D., Ph.D., na obilo ma-L.D. Inga koli bishopo, poopu, na kufumbwa mbo konzya kuba. Pele citola Leza kupanga cintucimwi kuzwa kuli cimwi. Kufumbwa kuti wakonzya kuba cintu, Leza ngu Cintucimwi. Kufumbwa kuti wakonzya kuligusya lwako mu nzila, mpawo Leza inga wanjila. Pele cindi waba sikuli tukumuna a situlengwa, kusikila waba nkumekume akuba wiinda, to jisi cintu eco ncoelede kuba aco: oyo moyo mubombe kumbele lya Leza. Elyo tu lizi kuti, bakwesu. Masimpe. Masimpe.

107 Tamuna kubona, na . . . kumvwa zuba kalipasuka. Tamuna kumvwa ceeco. Sena mwakasola kuunka, masiku, kuyo mvwa mume kuwa? Ino inga twacita nzi kakutakwe nguwo? Mwabona, taubwezi oyo.

108 Ndiyo mwaambila cintu comwe lino. Alo icili . . . Taali meenda avundauka ayo apanga coongo cipati, a kusotoka mujulu aansu, atondeezya bweebesi bwa nyenyeezi, muli ngawo. Kalo nkaziba kaniini kalamfu akabateme, ako katondezya bweebesi bwa nyenyeezi.

109 Eco neo tu yandikana, sunumasiku, nduzibo olo, luvubide, lwa Cintucimwi kungsi lyesu. Ta—ta yeelede koongolola, nekubaboobo inga cacita. Pele twa bikka kwaambilisisya kwesu koonse mu koongolola kwesu. Inga tiilya kanana mu myaambo, nekubaboobo inga cacita. Pele twa bikka kwaambilisisya ali ceeco coonse. [Kabeela katakwecintu aa teepu—Mul.]

110 Antela tii wakajanika ku muswaangano wa Billy Graham, muswaangano wa Oral Roberts, na muswaangano wangu. To eelede kucita. Eco ceelede kuba kungsi lya Luyandisyo lwa Leza Lutamani. Oyo Muuya mukati kakwe, ukubamba obo mbobede.

<sup>111</sup> Nce ncico Nceli kukanana, cifumo cino. Nce ncico Nce kali kukwela, Mbungano atala lya Kalivari, konse akonse. Muta yeeyi kuti nkaambo kakuti mwa kaambaula mu myaambo, na kuti mulizi kunji loko kujatikizya Magwalo, na wa kabala mabbuku aa muntuumwi, alimwi ulizi kunji kwiinda mulombwana umbi. Wa kati, “Amu bikke caando ali baabo batongela a kulilila zisesemyo zya kacitwa mu munzi.” Nguni Ngwa konzya kweengela mu miinzi yesu, sunumasiku? Mwabona, nkuunsi kwa Muuya, kutali kuseka. Taili cipapa aa i—aa noti ya cikwa ca mukкуси eco ncibotu. Ni noti ya mukкуси kunsi lya cipapa. Ujisi cipapa cipati citakwe cintu. To jisi cintu kunsi okuya. Eco nco tu yandikana, sunumasiku, nkuunsi kwa luyandisyo lwa Leza.

<sup>112</sup> Elyo cindi Eliya nakamvwa Jwi eelyo liniini lya buumuzi, taakwe caka mupenzya.

<sup>113</sup> Ncinzi nco mwakamvwa muli coonse caco? Muyo unka, mu mazuba masyoonto. Mwa kamvwa Billy Graham. Muyo mvwa Oral Roberts. Muyo mvwa bamwi, bantu bapati. Taakwe kulwana bantu abo; mba balanda ba Leza. Pele muta swiilili coongo. Komvwa Jwi eelyo liniini lya butontozi, eelyo kunsi kwa Cintucimwi eco ciboola mu moyo wa muntu, eco cigwisya bufubafuba boonse kuzwa kuli nduwe. Ci gwisya nyika yoonse kuzwa kuli nduwe. Cikubamba kusulaika zintu zya inyika a kuyanda zintu zya Leza. Oko nkunsi, eco nce ciziba citondezya nyenyeezi bulemu Butamani ibwa Leza. Eco nce cintu cizyala misozi ku meso, cileta lutangalo lutaambiki, a kuzulwa bulemu. Ci kubamba kwiima cindi zintu zyoonse zimbi zya kukakilwa. Ci bamba. . . Cindi malwazi aboola, na akwalo lufu lwini, lu cijisi kutondezegwa kwa zilongezyo zya Leza muli ndulo; eco ciziba ciniini cili sakene, a kutondezya majulu, kutali mugelo mupati a coongo ca maanzi. Meenda avundauka taali malamfu kapatu. Alo meenda abateme malamfu.

<sup>114</sup> Akube kuti Leza atu gwasye, sunumasiku, beenzuma, mbuli mbo tu boola ku tafule lya mulalilo, kuyeeya ceeco; takukwe makani eco caanze nco tucita, kuvula kwa zintu zibotu nzo tucita.

<sup>115</sup> Yebo wati, “Ee, Mukwesu Branham, Nda unka ku cikombelo. Ndi sola kupona kabotu mbuli Mbwe konzya.” Ncibotu. Taakwe cintu kulwana ceeco, mukwesu. “Nda kaambaula mu myaambo, Mukwesu Branham. Nda kaongolola mu Muuya.” Eco ncibotu. Pele tacili ceeco Nce kanana, mukwesu. Eco nekuba embo. Eco tacili ncico Nce kanana.

<sup>116</sup> Nda ambaula ku Jwi eelyo liniini lya butontozi, kuti Cintucimwi civubide a cabwami. Kutu, Nda kali kubona bamatuumbu bakaindi cindi nibakali kuseluka mwakwiinda omu awa, myaka yakainda, misozi kiiloka kuzwa ku masaya abo, cindi mulombe omwe sizibi naka buka, kuboola ku cipaililo.



117 Sunu, Nda bamba kwiitwa, a kubona mulombe kaboola, bala kkala a kubbotola mabbabbugamu abo. Ino ndipenzi nzi? Wa kasweekelwa *kumvwa* kwa ceeco.

118 Ncinzi nco mwakamvwa? Ncinzi nco mvwa? Tuli ku ciindi camamanino.

119 Mula mvwa aa cipekupeku, a ku redio, mu ma magazini aanu, mu mitende yanu, kuti kuyooba kambizi koonse ku cisi eci buzubabumwi. Ino uswiilila nzi, kumvwa konse kucenjezegwa, aa redio yako, buzuba boonse, acoongo conse kacicitika, kumvwa cindi misyonga nouyo loka, na mabbomba? Nse swiilili ku zintu ezyo.

120 Ndi swiilila kumvwa Jwi kaliti, “Boola atala awa. Kwa kacitwa kabotu, omulanda Wangu mubotu uusyomeka.”

121 Ino ulundana nzi? Nywebo mulizi, Ndi yeeya kuti tula yandisya loko kuswiilila kabotu loko ku zintu zyoonse zya inyika, a zintu mbuli ezyo, ta tukonzyi kumvwa liniini eelyo, liniini lya butontozi Jwi.

122 Tula mvwa beembeli besu kabati, “Ko sangana buyo mbungano, kuyooba kabotu.” Tula mvwa bamwi babo kabati, “Koamba buyo mu myaambo, kwa mana.” Bamwi babo bakati, “Koongolola buyo, kwa mana.”

123 To konzyi kumvwa eelyo, jwi liniini libateme libikka Cintucimwi civubide acisakene mu buumi, ku kubamba obo mboelede kuba.

124 Ii whiiti taizyali whiiti nkaambo ili aa musaansa na aa cisiko. I nsaku ayalo ili aa cisiko. Pele citola buumi mu musaansa oyo ku kuziyala whiiti. I meenda ayo awida ayo tilaila oonse awo. Zyoonse ziya tangala muli njiyo. Zyoonse ziya komena muli njiyo.

125 Baalumi a banakazi inga bakomena, koongolola a kulumbaizya Leza, kwaambaula mu myaambo a kuzulilwa ku mbungano, kazyana mu Muuya a kupa kwakkumi, elyo nekubaboobo kutaba obo, mu moyo wabo, eelyo Jwi liniini lya butontozi lya Leza, luyandisyo lusakene.

126 “Nekubakuti Nda pa mubili wangu kuumpwa mbuli cituuzyo, nkabela nketa jisi luyandisyo, Nseli cintu. Nekubakuti Nda pa mbono zyangu zyoonse ku kusanina bacete, Nse cili cintu. Ndi jisi lusyomo lwa kweenzya dundu, Nse cili cintu. Ndi—Ndi—Ndi kanana mu myaambo, mbuli bantu a Baangelo, Nse cili cintu.” Mwabona? Ndi Jwi eelyo liniini lya butontozi likanana mu moyo wako, eelyo licinca ciimo coonse, kubamba bulenge bwandeene, nkabela waba cilenge cipya muli Kristo.

127 Ino ulundana nzi? Ciya ali ceeco nco swiilila, mweenzuma. Ikuti na ula swiilila, komvwa...kutali bukanazi, kwiina kutondezegwa, pele ikuti na ula swiilila, umvwa lubukulusyo lupati kubusena bumwi, oko bantu bali zyuulu zili kkumi

nko babungene, kozumanana; mula swiilila ku cintu cilubide. “Ndiyo unka okuya a kubona. Ba amba kuti bali jisi makamu mapati.” Eco tacibambi lwandaano noluceya. I tukondo twa mizundanino tu jisi ceeco. Zintuzyonse zimbi ezyo. Babumbulusi ba cizyano ca rokku bali jisi eco.

“Ndi inka ku . . . Ndi inka ku cintucimwi cimbi.”

<sup>128</sup> Ikuti na waunka ku cintu cili coonse cimbi pele . . . Ikuti na uswiilila ku cintu cili coonse cimbi pele Jwi eelyo liniini lya butontozi, amu joke mu mpangala. Amu joke kungsi lya musamu wa junipa, kusikila inga twa bamba. Kolijata lwako cabuumuzi, a kulindila. Lekela mizunzumo kaiya buya. Lekela muzunzumo wanyika uzungaanye. Lekela myuwo yuungisya iinke, a mulilo kufumpa, kufumbwa mbo ciya kucita. Nda yeeya lwiimbo olo lwakuti:

Ko ndiyiisya, Mwami, nzila ya kulindila cindi  
myoyo noipya,  
Andibombye kulisumpula kwangu, kwiitila ku  
Zina Lyako;  
Bamba lusyomo lwangu kubukulusigwa, meso  
angu ali Nduwe,  
Andibe aa nyika eyi eco Nco yanda kuti ndibe.

Nce ncico Nce yanda kucita.

Abo balindila ku mwami, baya kubukulusya  
nsana zyabo,  
Bayo tanta a mababa mbuli sikwaze,

Mula syoma obo?

Bayo zuza a kuta katala, bayo enda akuta  
wizuka;  
Kondi yiisya, Mwami, kondi yiisya, Mwami,  
nzila ya kulindila.

<sup>129</sup> L ekela minzumo iinde. Lekela mulilo ufumpe muni. Pele andi mvwe Jwi eelyo liniini lya butontozi, lilati, “Amuboole kuli Ndime, nyoonse nomu minidwe mikuli. Kozwa kungsi lya cisamu ca maswaanino. Kozwa mu mpangala yako.”

<sup>130</sup> Ndi yanda kuvumbilila lusyomo lwangu, kulanganya Bulowa Bwakwe, kweenda kumbele a kwaamba, “Iiyi, Mwami. Nda syoma lino.”

Atu kombe.

<sup>131</sup> O Mwami, Mulengi wa majulu a nyika, Mukamwini wa Buumi buteeli, a sikupa wa cipego coonse cibotu, koba siluse kuli ndiswe, Mwami. Twa imikila lino mu kubula kwa kumvwa. Majwi esu, Mwami, ayutuka.

<sup>132</sup> Elyo lino twa kamvwa majwi manji loko. Kuli kunji loko oko kwaamba, “Boola okuno ku mbungano *eyi*. Ikuti na uyo sangana

mbungano yesu! Tu jisi nkamu mbotu kwiinda mu dolopo, bantu basama kabotu loko. I meya wa dolopo uunka ku busena bwesu.”

<sup>133</sup> Elyo bantu banji, mu miswaangano yabo, Mwami, bali jisi basoloji, abamwi bambi, bayutuka a kubamba mibandi. O Leza, ko citantamuna kuli ndime, Mwami. Kondi sisa mu mpangala a kundi lekela kulindila, Mwami. Ino Ndi bikkila nzi maanu kuli ceeco mweendelezi ncaamba? Ndi yanda kumvwa Jwi eelyo liniini lya butontozi lya Mufutuli wangu. Oh, kondi gwasya kulindila, Mwami, a ku bukulusya nguzu zyangu mbuli Mbwe lindila ali Nduwe.

<sup>134</sup> Elyo kogwasya mbungano eyi, Mwami, kuti bayo lindila kuli Nduwe, a ku bukulusya lusyomo lwabo, a kubulusya nguzu zyabo, kutanta mbuli mababa aa basikwaze. Akube kuti bali mukuswiilila, Mwami, kutali ku coongo, kutali ku koongolola, pele kaba swiilila ku Jwi liniini lya butontozi.

<sup>135</sup> Mwami, mu mazuba masyoonto, Ndi tanta mu mpangala kutala, ku lindila. O Leza, ndi gwasye, Mwami. Ko ndofwaazyza, a musinkematwi matwi angu, kuzwa ku zintu zya inyika, nkambo ka mpuwo, na nkambo ka mpuwo, na ku cintu cili coonse cabuyo eco nyika eyi nciyaka konzya kupa. Andi kkale awo, Mwami, mane Ndi kamvwe Jwi eelyo liniini lya butontozi. Mpawo lekela mulanda Wako ayutuke, Mwami, kutantamuna, aatala amababa aa Sikwaze. Ko cipa, Mwami.

<sup>136</sup> Longezya mbungano eyi niini. Longezya Mukwesu wesu Neville. Gwisya bulwazi obo kuzwa mwida lyakwe, Mwami, a ku butanda kuzwa kuli nguwe. Ko mubikka mu kutambisigwa, Mwami, a kumu lekela kujoka awa, kubukululusigwa. “Bayo bukulusya nguzu zyabo.” Ko cipa, Mwami.

<sup>137</sup> Kotu jatila zibi zyesu. Tu boola ku tafule lya mulalilo lino, Mwami. Wa kati, “Oyo uulya a kunywa caku teelega eci, kulya a kunywa cakulibeteka kuli lwakwe, kuta tweluka mubili wa Mwami.” Kotu gwasya, Mwami, kulingula buntu bwesu, myoyo yesu. Elyo tu sole a kubona ikuti na kuli cintu citasalali cili coonse cijatikizya ndiswe. Ikuti na kuli, kotu jatila, O Leza, mbuli mbo tu lindila cabubombe aali Nduwe. Twa cilomba mu Zina lya Jesu, Mwana Wako. Amen.

Ko ndiyiisya, Mwami, ku lindila, kufugama ku mazwi angu,

A mu ciindi Cako Cini cibotu Uyo ingula kulomba kwangu; (Mbo mbubo.)

Ko ndiyiisya kuta yaamina kuli eco bamwi ncobacita,

Pele lindila mu mupailo ku bwiinguzi buzwa kuli Nduwe.

<sup>138</sup> Nce neico Nce yanda, bwiinguzi kuzwa ku Julu. Ndi yanda kumvwa Jwi Lyakwe, kutali jwi lya mweendelezi, kutali jwi lya meya, kutali jwi lya mweendelezi, kutali jwi lya bishopo.

Ndi yanda kumvwa Jwi Lyako, Mwami. Kuti lubombo a buuya bwa Muuya Uusalala bukanana mu moyo wangu, “Amuboole kuli Ndime, nyoonse nomu minidwe amikuli.” Iiyi, Mwami, tuli bikkidwe kungsi lya samu lya junipa lino. Tula lindila, mukubona eco Nca yoamba.

<sup>139</sup> I Mwami wakulongezya, umwi aumwi, lino. Mbangaye bayanda kwiibalukwa mu mupailo? Atu ku bone kutambika janza lyako. Kwaamba, “Mwami, kondi yiisya kulindila. Kondi yiisya. Andi—andi—andi lube kulisumpula kwangu koonse. Cindi bamwi banoinda, kucita zintu zipati mbuli ezi, andi libombye kulisumpula kwangu, kwiita buyo ku Zina Lyako. Ko ndiyiisya kuta yaamina kuli eco bamwi nco bacita, pele kulindila buyo mu mupailo ku bwiinguzi kuzwa kuli Nduwe.”

<sup>140</sup> Mbuli Eliya mbwa kacita. Wa kalindila kaindi kuya. Wa kamvwa muzuzumo. Wa kamvwa kumweka kwa mumuni. Wa kamvwa kupandauka kwa myaala. Wa kamvwa mulilo. Wa kamvwa muuwo. Pele eco tii cakali ncico ncakali kulangila. Tii caka zunganya musinsimi akwalo. Wa kacilekela kucitika. Pele cindi eelyo Jwi liniini lya butontozi, wa kabweza cikobela cakwe a kucibikka ku busyu bwakwe, a kuunka ku mamanino aa mpangala. Elyo Mwami wakati, “Koya, kaime atala lya mwaala kunselelo okuya.”

Nce ncico Nce yanda kumvwa, “Koimikila aa mwaala.” Yaa.

<sup>141</sup> Nciindi lino ca mulalilo. I Mwami amu longezezye. Ndi yeeya kuti, lutaanzi, katutana kucita ceeci, tu yanda kutuula mupailo wa umwi aumwi omuno watambika maanza abo, kuti bakali kuyanda Leza ncobeni kukanana kuli mbabo. Sa kuli umwi wanu awa kungsi lya samu lya junipa, sunumasiku? Tambika janza lyako. Masimpe. Masimpe, mbo tubede. Bunji bwanu okuno mu mpangala, kamulindila.

<sup>142</sup> Mwa kabona zintu ezi zyoonse kaziinda. Mwa kamvwa lubukulusyoy lupati lwa Billy Graham, lwa Oral Roberts, lwangu lwini, koonse kumbi, Tommy Osborn, Tommy Hicks, boonse aba baina. Pele ino Li laali? Li laali Jwi eelyo?

<sup>143</sup> Yebo wati, “Nda koongolola abana Jessup. Nda—Nda kazyana mu Muuya mu Twaanda twa Ziimbo. Ndi jisi zyoonse ezi zintu zimbi. Nda kacita zyoonse ezyo. Pele cili kuli eco Cintucimwi, Mukwesu Branham, eco cindi syanikizya a kubikka mukuli ali ndime wa bantu basweekede, mane Nse konzyi buyo kupumuna nkaambo ka ncico?”

<sup>144</sup> Lino, oyo ngo musyobo buyo oyo unjila. Eco ncencico Bbaibbele ncolya kaamba. “Bikka caando biyo ali baabo batongela a kulilila zisesemyo zya kacitwa mu munzi.” Oh, awo mpo tu ciyanda, beenzuma.

Atukombe alimwi.

145 Mwami! Akaka, Mwami! Oh, inga Nda imba maningi. Inga nda kambauka maningi. Inga ndaongolola maningi. Inga ndalila maningi. Pele Nse kakombi maningi. O Leza, kondi lingula a kundi sola.

146 Kali kukanana buyo, kaindi kainda, kujatikizya ciziba cisakene, obo mbo batondezya nyenyeezi; kubikka caando ca Muuya Wako muli ndiswe, Mwami, mbuli Davida musinsimi mbwa kaamba, “Kondi sololela kumbali lya meenda abateme,” kutali meenda agumba. I meenda abateme, kondi sololela okuya, Mwami. Kondi tontozya. Nda libilika, Ndili nyongene koonse.

147 Nda kacita zintuzyonse ezyo Nzo kandaambila kucita, kuciimo mbuli Mbwe zyi. Nda kaandulula cisi, ku nyika yoonse, nkekambauka, a kulila, a kusungilizya. Wali kusyomeka kupa citondezyo eco ca Mesiya, kutondezya kuti Nduwe, Mwami, oyo ucicita, a kutali muntu. Ndili lumbide kuli ceeco. Pele, Mwami, Ndili kungsi lya samu lya junipa, sunumasiku. Nda libuzya, “Nkaambonzi taba empyi? Nkaambonzi eyi America tai konzyi kwiibona, Mwami?” Sa magano akwe taka tontozegwa maningi? Sa mbungano yakaba kabunga, cakujata kapati? Nkabela taba kabeleki antoomwe. taba kaciti cintu cita kujana butongo.

148 Pele Ndili masimpe buya, sunumasiku, mbuli mbo kwakabede kuli Eliya, kungsi lya cisamu, Mu jisi zyuulu zili ciloba, nekubaboobo, abo bata fugama mazwi abo kuli Balimu. Muli jisi basalali banji mu nyika sunu, kulindila Kuboola kwa Mwami.

149 O Mwami, kotu fwida luse. Kotu sola, a kutubikka mu zikkelo Zyako zya kupimya. Elyo ikuti na twa bona kuti twa kajanwa kuba, O Mwami, kotu salazya mpawo kuzwa ku zibi zyesu. Elyo kotubamba obo Mbo yanda kuti tube. Kopa eco ku mugame oonse mu mbungano eyi. Nkambo twa cilomba mu Zina lya Jesu. Amenii.

150 Lino ciyooba ciindi ca mulalilo. Twa komba kuti Leza uyo mulongezya lino. Boonse beelede kuunka, elyo taba yandi kulya mulalilo, kuswaangana okuno masiku Bwatatu, kulaba muswaangano alubo.

151 Muta lubi ku ndikombela. Ndiyo ciyanda eno. Mu mazuba masyoonto aacilila, Ndiyo yandikana mupailo. Lino muta cibwezi buyo mu buubauba, pele amu ndibikke ku moyo wanu a ku ndikombela. Ndi yandikana mipailo yanu. Ndi jisi kusala kubamba eco inga caamba lwandaano lwa mamilioni aa bantu. Cintucimwi ceelede kucitwa. Nda kainka kuciimo mbuli Mbwe konzya, mu nsana zyangu zini. Nde—Nde elede kuba a cilengaano kuzwa kuli Leza, ca ndime. Uyo nditondezya kuli bamwi, pele Nde—Nde elede kuba a cintucimwi cangu. Nda ciyanda. Amu ndikombele. Uyo cituma ikuti na muyo komba buyo.

<sup>152</sup> Kweenzya koonse, sunu, Ndali kulanga koonse. Nda kali ku ng'anda yako, Mukwesu Roy. Elyo Nse kali kuyanda kunjila; kwakali mootokala wakakkede okuya. Ndi jisi nkongole ya nduwe a Mucizi Slaughter ya kuswaya. Meda a Ndime twakali kweenzya koonse. Nda kati, "Ee, tuyo jokela kwainda kaindi kaniini," pele Nda kaangwa nkabela nse kajoka. Kuunka koonse, kweenzya koonse, mu migwagwa, kuyeeya, "O Leza, cintucimwi ceelede kucitwa. Nde elede buyo ku Ku jata abusena bumwi."

<sup>153</sup> I oora lila zunguluka. I—i mudima uli mukukkalikila. I ciindi camamanino casika, miniti lyomwe kakutana akatikamasiku. Kubona busyu bwa sinkondo, kuzungaana, kulimvwa, ciimo ca kulibilika, kuzundikizigwa kwa inyika, a kutaziba kuti oko nkunyonyooka kwanu. Mwabona? Oh, ma! Atu tanta a mababa mbuli sikwaze, lino, kuulukila mu maboko Aakwe kuti ngu mbobuca nguwenya, sunu, amuya myaaka.

<sup>154</sup> Lino, boonse bayanda kulindila mulalilo, tuyo botelwa kuba a ndinywe mu ciindi eci ca luswaanano.

<sup>155</sup> Lino, muli jisi Bakorinto Bataanzi, Nda syoma, cipati 11, awo. Njo cibala ndyoonya lino, mpawo, Mukwesu Neville, ikuti na uyo cita. [Mukwesu Neville wabala Bakorinto Bataanzi 11:23-32—Mul.]

*[Nkambo Nda katambula ku Mwami ayo makani ngi Nda kamusiila, Kuti Mwami Jesu ku masiku ayo ngaonya nga kaabwa wakabweza mukamu.]*

*[Elyo cindi nakapa kulumba, wa ka cikomona, a kuti, Amubweze, mulye: oyu ngu mubili wangu, ngu mu komwedwa: obu kamucita kuti cibe ciibalusyo cangu.]*

*[Kumane mu ciyanza nciconya akwalo wa kabweza kanywido, cindi na kanywa, kaamba, Aka kanywido ncizuminano cipya mu bulowa bwangu: eci kamu cita, kanji mbuli mbo mu kanywa, mu ciibalusyo cangu.]*

*[Nkambo mbuli ciindi coonse ncimulya mukamu oyu, a kunywa kanywido aka, mula tondezya lufu lwa Mwami mane do akasike.]*

*[Nkikaambo kufumbwa muntu uulya mukamu oyu, a kunywa kanywido aka ka Mwami, cakuteelela, uyooba a mulandu ku mubili a ku bulowa bwa Mwami.]*

*[Pele muntu asaangune kulilingula mwini, elyo nati lye mukamu oyo, a kunywa kanywido ako.]*

*[Nkambo oyo uulya a kunywa cakuteelela, ulalya a kunywa lunyonyooko kuli lwakwe, kuta twelukwa mubili wa Mwami.]*

*[Nkambo kaako banji bali kompeme a kuciswa aakati kanu, a banji balafwa.]*

[*Nkambo ikuti na twa libeteka tobeni, ta tweelede kubetekwa.*]

[*Pele cindi twa betekwa, tula komwa ku Mwami, kutegwa tu tapegwi mulandu antoomwe a nyika.*]

<sup>156</sup> Eco ta ciyandi kupandulula kuli koonse, nceeci buyo, “Ikuti na twa lya a kunywa caku teeleda, tula lya a kunywa cakulibeteka kuli lwesu tobeni, kuta tweluka mubili wa Mwami. Ku kaambo aka banji bali kompeme akuciswa akati kanu, alimwi banji bali fwide,” mwabona, cindi twa boola kulya mulalilo.

<sup>157</sup> Oonse Munakristo weelede kulya mulalilo. Mbulizi bwako. Kalo nkazekelo. Mwabona? Jesu wakati, “Ikuti na to ulyi, to jisi cibeela a Ndime.” Mwabona?

<sup>158</sup> “Pele oyo uulya a kunywa caku teeleda, ulalya a kunywa cakulibeteka kuli lwakwe.” Nko kuti, ikuti na ucili aanze a nyika, a kucita zintu zya nyika, a bantu bala kubona kulya mulalilo, uli mukucita cilubide. Uli mukuleta buyo sampu kuli lwako. Elyo ciyo kunyonganya buyo. Tacili kuti ciyo nyonganya Leza. Ciyo mucisa. Elyo aboobo muntu weelede kulilingula beni.

<sup>159</sup> Elyo katutana sika ku ciindi eci cisetekene, amu lombe Leza kulingula buumi bwangu. Elyo ikuti na Nda kacita cintu cili coonse citali kabotu, kondi jatila kuli ncico. Nse—Nse kanzi kucicita. Njo cilulamika ikuti na Uyo ci yubununa kuli ndime. Elyo Njo lomba cintu nciconya kuli nduwe. Kati, “Cindi mwa boola antoomwe, amu lindilane umwi aumwi.” Nkokuti, “Amu lindile kuli umwi aumwi, a kukombelana umwi aumwi.”

<sup>160</sup> Tu yanda kulya mulalilo oyu. Elyo ikuti na tatu ciciti, ta tujisi cibeela a Nguwe. Nce ncico Nca kaamba. Lutaanzi. . . Na, Musalali Johane, cipati 6.

<sup>161</sup> Lino, atu kombe buyo. Amu ndikombele, cabuumuzi, kuciindi Ne mukombela.

<sup>162</sup> [Mukwesu Branham wakomba cabuteteete—Mul.] Nda komba kuti Uyo tujatila, ku lusyomo. Lekela Muuya Wako, O Leza, boola. Nda komba kuti Uyo tujatila milandu yesu yoonse ku bantu. . . ? . . . kojatila. . . ? . . .

<sup>163</sup> O Mwami, komvwa mupailo wesu. Oyu ngo mupailo wesu wa kujatilwa, Mwami. Twa lomba kujatilwa. Twa kombela luse. Kotu jatila, Mwami. Mbuli mbo kulembedwe mu Ijwi Lyako, “Kotu jatila nsotoko zyesu, mbuli mbo tulekelela abo batu bisizya. Alimwi ta tweenzyi mu kutepaulwa, pele tuvune ku bubu. nkambo Bwami mbu Bwako, a nguzu, a bulemu, kwalyonse. Amenii.”

Nda syoma muli jisi banji loko. . .



*INO UCITA ANZI OKUNO?* TNG59-0301E

(What Does Thou Here?)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo mangolezya, Miyoba 1, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)



## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)